


"رايتس مونيتور" تنشر رسالة من معتقل بسجن الأبعادية حول معتقل أمريكي اعتقل خطأ معهم



الأحد 2 أبريل 2017 11:04 م

نشرت منظمة هيومن رايتس مونيتور رسالة من معتقل بسجن الأبعادية يصف فيها اعتقال مواطن أمريكي بالخطأ معهم

وبينت الرسالة كيف تم التعامل مع المواطن الأمريكي بأدب واحترام فقط لأنه أمريكي

نص الرسالة

أرسل احد المعتقلين بـ #سجن_الابعادية رسالة يصف فيها اعتقال مواطن أمريكي معهم بالخطأ وكان هذا هو نص الرسالة:

"الحمد لله رب العالمين والصلاة والسلام علي خير الخلق اجمعين وبعد

اكتب إليكم قصة في منتهي المأساة . حصلت في سجن الابعادية بدمهور

قصة حقيقية وليست من تألوفي .. تنم عن مأساة مصر والمصريين وخاصة المحبوسين . " إبراهيم " : معتقل من رشيد في سجن الابعادية ، المشكلة إن ابراهيم عاش في امريكا اكثر من 12 سنة ، واخذ الجنسية الامريكية ، تم اعتقاله بطريق الخطأ وتم الحكم عليه كمان المهم أهله قدموا للسفارة ما يثبت انه " مواطن امريكي " معتقل ، وبالفعل بعثوا موظف من السفارة الامريكية ، وموظف مصري وموظف امريكي عشان يتفقدوا أحوال إبراهيم ، المهم دخلوا السجن لمكتب رئيس المباحث وظابط الامن الوطني ، وبعثوا جابوا ابراهيم من زنزانتة ، جه ابراهيم ودخل المكتب ورئيس المباحث واقف علي رجله وموظفين السفارة قاعدين ، كلموا الظابط بخشونة وأن ازاي يسجنوا مواطن اممريكي كل الفترة دي ، والخوف والرعب سيطر علي رئيس المباحث وظابط الامن الوطني في الوقت ده ..

موظف السفارة لإبراهيم " اقعد علي أي كرسي يعجبك " بغطرسة " ابراهيم قعد علي انصف كرسي وحط رجل علي رجل كمان وده في حضور رئيس المباحث وظابط الامن الوطني " اللي لسه واقفين " قالوله انت مواطن امريكي مش مصري . في حد مزعلك هنا ؟ في حد مضايك ؟ حد بيكلمك بطريقة مش كويسة ؟ !

ابراهيم قال علي كل اللي بيحصل طبعاً ، ورئيس المباحث ركبته بتخبط علي الجيران " المهم الظابط قاله " لو عايز أكل مخصص يجيبك ، لو عاوز تليفون تعالي هنا المكتب واتكلم طول النهار ، وأمر له بلبس وبطاطين ، ومعاملة خاصة جداً ، ده كله بعد ما موظف السفارة الامريكية شد عليهم لأن ابراهيم مش مصري بس ، ده مصري " أمريكي " لأن ابراهيم ابن رشيد صاحب ال 40 سنة مواطن امريكي وسلملي علي مصر ومتنساش إن قائد الاسطول السادس الامريكي محبوس لحد انهارده ، نسيت أقولكم : ظابط الامن الوطني قاله " اعمل استشكال وهتطلع علي طول انت هنا مش مصري أنت امريكي !!